



21285



Mag. St. Dr.

P

*Shachetka Stanisłai Proebus post nubiln  
academico refuleit hemisphaerio.*

PANEG. et VITAE

Polon. Fol.

№ 1135.







P H O E B V S  
P O S T N V B I L A ,

Academico refulsit Hemisphærio,

D V M

*In Peraugusto Serenissimi Academiae Fundatoris*

DIVI VLADISLAI IAGELLONIS  
A R C H I L Y C E O ,

In Numerosissimâ Omnium Academiae Ordinum frequentia

*Magnificus, Clarissimus, & Excellentissimus D.*

D. F R A N C I S C V S  
R O L I N S K I , (+ 1674)

Philosophiae & Medicinae Doctor, & Pro-  
fessor Ordinarius, Consul Cracouiensis,

*Concordibus Omnium Doctorum, & Professorum suffragiis,*

f N

G E N E R A L E M R E C T O R E M

Studij Almae Vniuersitatis Cracouiensis  
lætissimè renuntiaretur.

Consendenti Augem Honoris Academici

M. STANISLAVS SLACHETKA Leopold.

*Collega Minor, & Ordinarius Eloquentiae Professor,*

Debiti cultus, & obseruantiae ergò

*Metris Lyricis applausum exhibuit.*

CRACOVIAE, 1687)

*In Officina Viduae & Heredum Francisci Casarii, S. R. M. Typ.*



## Magnifice Domine Rector.



Iennium exactum est, ex quo Mars Sueticus armato cinctus satellitio, Cracopoli dolose occupata, pulsus in exilium Camœnis, Parnassum Iagellonicum, reddidit otiosum. Tunc enim Amplissimum Theologie squalerat domicilium, Peripatus quasi senio quodam confectus afflictabatur, Exedra laboriosis viduata Professoribus mœrebat, cateraq; Musarum delubra, lugubre quoddam tristitia exhibebant argumentum. Furente Marte, seuiente Bellonâ, omnia circumsonabant armis, tympanorum strepitu, classicorum fragore, nocturnis militum excubantium clamoribus, equorum hinnientium fremitu, varioq; tumultu bellico cuncta miscebantur. Ipsa etiam Academica Pallas exosa tubarum, & tympanorum horrores, & fatalia tormentorum carmina, proprijs egressa laribus, varias orbis lustrauit regiones. Hæc nubila, hæc tenebra in Iagelloneo dominabantur Hemispherio, quæ tanquam Cimmeris umbra, ita illud inuoluerant, ut neq; clarissima ex luce sapientiæ Academica Maiestas, neq; illustre ex splendore Doctorali nomen, neque ardens ex calore indolis, virtus eo tempore clucebat. Deleuerant hanc ingrauescentis caliginem noctis euoluti diuinæ benignitatis radij, serenæ illuxit Academico Orbi Phœbus, cum TE MAGNIFICE DOMINE RECTOR Diuina Prouidentia hac turbulentâ tempestate præfecit nobis amicum Luminare. Renouabitur iam pulcherrima Vniuersitatis amplitudo, confusa rerum series, iterum pristino restituetur tenori, antiqua Academicis charitas, & sincerus suscitabitur candor, deniq; Professores varios nouerantus fortuna perpeffi ictus, Tuâ singulari affulgente Prudentia, indubitatam consolationis recipient medelam. Magnum Professoris munus est, honorificum, & arduum, cum in laboriosâ continuò studiorum decurrat orchestra. Lucet ille cunctis discipulis, sensim tamen consumitur & nisi affundatur oleum, ut lampas extinguitur. Impleuit Magnificentia Vestra laboriosi Professoris numeros, in se semper absolutissimum bene regendi expressit exemplar, effinxit viam Optimi Ciuis Academici imaginem, dum in Generalibus Comitiorum Academicorum congressibus, explicata fronte in grauissimis negotijs dexterrimè egit. Fovebit Magnificentia Vestra. (vix non dubia spe nobis pollicemur) Professores leniter, & paternè, moderabitur latissimè clauum Reipublicæ Academicæ, cum assistentem habeat Prudentiam, præsidebit felicissimè in Comitijs Academicis, cum TE M. D. RECTOR unum præ multis negotiorum suorum, robustum animo Atlantem Alma Vniuersitas expetuerit. Ingredere iam fortunatus Tuo accessu RECTORALI nouam, meritis & virtutibus pridem, Tuam Honoris sedem MAGNIFICE DOMINE RECTOR, sedes hæc quamuis vigilis foueat curas, nihilo minùs inter decumani laboris onera, Iupiter melle pluet, & si quæ erunt molestiarum absynthia, cælesti iucundissima voluptatis ambrosia temperabit. Ipse loci istius Custos & Tutelarivs DIVVS IOANNESCANTIVS animabit, & saluberrima in arduis suggeret consilia. Viue itaq; in longissimos annos saluus & incolumis MAGNIFICE DOMINE RECTOR, meum Epanon gratulatorium sereno suscipe animo, meque solito affectu, ac beneuolentia complectere. Hoc efflictim apprecor, omnium vota in hoc sunt, huc omnium Tuae felicitati velificantium vota appropèrant, ut viuas ad ornamentum & decus Academia.



ODE



## ODE GRATVLATORIA.



Di malignum vulgus, & horreo,  
Abscede, quisquis fascibus inuides,  
Frontique Doctorum coronas  
Detrahis, inuidiæ Satelles.

Virtutis hæ sunt Stemmata feruida,  
Et laureatæ præmia gloriæ,  
Monile bullatum laboris,  
Aoniæque decus phalangis.

En literati sydus amabile  
Orbis ROLINSKI doctus, adoreas  
Gestat triumphales subactis  
Hostibus, edomitisque monstis.

Vectus corusco Palladis effedo,  
Illustre honoris iam Capitolium  
Scandit, perennaturus orbi  
Dotibus ingenij venustis.

In quâ palæstrâ conseruit manus?  
Quibusque telis, quaué panopliâ  
Munitus, in campum rogatæ  
Fortis Agonothes Mineruæ

Descendit? aut quos hercule prospero  
Prostrauit hostes? exitialia  
Quæ monstra? quas Chimæras?  
Quo duce tanta legit trophæa?

Si fortè flagras nosse ROLINSKII  
Felicitatem rebus in arduis,  
Primos iuuentæ volue cursus,  
Ingenio validum videbis.

Intrâisset Arcem cum Iageloniam  
Scepтрisque fulgentem, & diademate,  
Mox baltheo se militari ob-  
Strinxit in obsequium Mineruæ.

Iam per frequentes iuit alacriter  
Clarus ROLINSKI non fine gloriâ  
Turmas laborum, pertinaci  
Hic studio Stephanoma primum


Prehendit, altis passibus inclyta  
Progressa virtus culmen in arduum  
Scientiarum, mox honoris  
Alterius cidarim capessit.




Isthmum Sophorum difficilem satis  
Lustravit acris viribus ingenium,  
Auræumque vellus literarum  
Non secus atque sagax Iason  
Recepit, hortis Hesperidum extulit  
Dracone victo, poma micantia,  
Id est, noua ornamenta laudis  
E nitidis Sophiæ viretis.  
Fallaciarum nubibus undique  
Septum, figuræ, Protea, redditum  
(Intelligo ipsam Veritatem)  
Nonneprehendit eam potenter  
Vt alter Eurysteus? Hic Apollinis  
Sedes, & urbem Antenoris incolens,  
Domos sacratas sic Hygeæ  
Ingenio penetrauit acri:  
Vt lura mundi, certaquæ fœdera,  
Formasque rerum, thaumata Dædalæ  
Stupenda naturæ, & recessus  
Mente sagax reserârit altâ.  
Vicit Lechæos arte Machaonas,  
Et eruditos tunc Podalirios  
Quando Patauinas Athenas  
Incoluit, Medicam Palæstram  
Sic triuit eius nobilis indoles,  
Artisque radix Experientia,  
Vt præmium ferrer laboris  
Dum tenuit Prytanæa Paduæ.  
Multos tyrannos corporis expulit  
Morbos, in illâ sede gerusæ,  
Ægrisque vires iam labantes  
Restituit Ioue prosperante.  
Consoque præstans Te VENETVS diu  
Legatus ad se non sine præmijs  
Trahebat, vt Turcæ potentis  
Regna simul peteres opima.  
O suavis almæ flos sapientiæ,  
Nostræ palæstræ gloria, lux, decus,  
Lucesce, fax nostra es, minora  
Luna velut nitet inter astra.







Biblioteka Jagiellońska



stdr0016871



